



La formaziun da La Val reagësc purmó tl secundo tēmp y pordüj ma plö de avalié le resultat ti ultimi menüc

Bele la sabeda s'à la formaziun da La Val metü sön trü por ruvé tl biotop a Raas a sughé l'ultima de campionat. Ince l'ultim fin dl'edema s'à La Val indurmedi ia le pröm tēmp y à spo messü recuperé le svantaje tla secunda pert. L'agresivité y la determinaziun mostrada dles pröms partidas de campionat é tröp manciada.

A costruì ocapiuns é tl pröm tēmp le Raas, deperpo che La Val se stēnta dassēn a tignì le palé tl mezciamp avversar y a imposté val aziun concreta. Bele al 10^a menüt toma le vantaje por i padruns de ciasa: sön na trata de puniziun rebat le curan cuntra la stangia de porta y i atacanc asvelc y nia marcà sprinza cuntra le palé por le apogé te rēi.

La Val pro de costruì jüch cun passaji asvelc y basc, scialdi indere intercetá dai avversars. Sön les ripartēnzes prô i ladins de tigní sô i portadûs dl palé, rovan indere intres massa tert sön le contrast y gaujan insciö tröc fai por nia y trates de punziun decuntra. I stersc atacanc dl Raas fej gran parüda sön chēstes situaziuns standard, ruvan a mēt in dificolté le portier Julian. La sóra trata cuntra porta da pert di ghesc é le defensur Martin Ploner che vega: sön na rebatüda dla defenjiun prôl na trata sēcia che sfiorēia la stangia de porta.

Le pröm temp se röia sön le resultat de 1 a 0 por le Raas

Sciöche la partida da denant röia La Val tl secundo tēmp te ciamp cun un en gol de svantaje da recuperé. La reaziun é indo la medema y do la cherd'ora töl i ladins cun coraje la partida tles mans y pro da se refà por la pröma pert indurmedida ia. Les forzes frēsches metüdes te ciamp dà n gran sostēgn ala squadra. Le arbiter archita ince deplö posiziuns de forajüch dēr tl dübe, sēnza ester bun de motivé sües dezijiuns. Al 65^a röia Alex E. sù dan porta y vega na trata bassa che vēgn rebatüda dal'un dl Raas, le palê röia sön le pé de Stefan che dô na secunda trata vēgn ciamó n iade devié te ciantun. Le arbiter conzed plö trates dal ciantun y puniziuns por i ladins, che ne vēgn indere nia anuzà bun. An mēss aspeté le 85^a por avalié le resultat. La defenjiun dl Raas vēgn taiada fora cun na passaja dal mezciamp, le palé rové a Franz che controlēia a dovēi tira te porta por le 1 a 1. Por radopié le resultat mancel ma plö püch tēmp y

La Val fej gran druch y prô ciamó cun vigni meso de chirí la devënta che ne gareta impone nia. Les döes formaziun se partesc insciö i punc, por La Val na ocagiun jumada ia por fa n bel balz inant de tlassifica. Dan jì tla palsa da d'invern süga ciamó La Val la partida de retöda de Copa Provinzia cuntra la medema formaziun da Raas, do avëi davagné al'andata por 2 a 0. Sughé vëgnel insnöt vëindres dales 20:00 indô a Raas.

Raas – La Val : 1 - 1

Formaziun La Val: 1. Julian Moling, 2. Egon Frenes (dal 70[^] Franz Tolpeit), 3. Luca Pescollderung 4. Paolo Vallazza, 5. Ploner Martin, 6. Freddy Sottara, 7. Christian Dapoz (dal 70[^] Felix Nagler), 8. Stefan Sottara - capitan, 9. Marco Sottara (dal 75[^] Alexander Miribung), 10. Alex Elzenbaumer, 11. Adrian Miribung (dal 75[^] Michele Campeï)

Gol por La Val: Franz Tolpeit al 85[^]

Proscima partida:

La Val süga ciamò in vëindres sëra a Raas dales 20:00 la partida de retöda de copa provinzia cuntra la squadra de ciasa

R esultac dles atres squadre

Insëra, mercuri ai 23 de aurì él gnü sughé l'andata dla semifinala de Copa Provinzia cuntra la squadra da Ritten, che süga le campionat trê te 3 categoria mo te n ater girone. La squadra da La Val à incuntè na squadra sterscia, che à lascè udèi sües cualitè portan a ciasa la devènta por 2 a 0. Ai 7 de mà gnaral sughé le ritorno sön le ciamp dl Ritten.